

inter beneficiatos alios dicte nostre ecclesie eciam presentes in vigiliis, missa defunctorum et commendacione animarum aliaque duo maldra eadem die sexaginta pauperibus hospitalis oppidi ac districtus predictorum in panibus, videlicet pauperum ipsorum cuilibet panem integrum prebendalem, insuper et in tricesimo eiusdem quondam domini Werner, videlicet octava die mensis octobris, si eciam ferialis fuerit, alioquin sequenti die proxima feriali, eciam singulis annis in perpetuum tres florenos aureos ponderosos dicte ecclesie nostre per eundem quondam dominum Wernerum legatos inter presentes in vigiliis, missa defunctorum et commendacione animarum tam canonicos quam beneficiatos dicte nostre ecclesie communiter et equaliter dividemus ac dividi faciemus dictosque manufideles nostris quondam domini Werner de universis et singulis per eum sepedicte nostre ecclesie legatis et quibuscunque iuribus et consuetudinibus nobis et ipsi ecclesie ab eodem quondam domino Wenero seu dictis suis manufidelibus quomodolibet competentibus tenore presencium acquitamus. In quorum omnium et singulorum testimonium sigillum sepedicte ecclesie nostre ad causas de omnium et singulorum nostrum sciencia et mandatis presentibus est appensum. Actum et datum in domo capitulari dicte nostre ecclesie, nobis inibi pro hiis et aliis negociis capitularibus tractandis et agendis per sonum campane capitulariter congregatis et capitulum facientibus, anno domini millesimo trecentesimo octogesimo quinto, die martis penultima mensis maii.

Düsseldorf, Staatsarchiv, Cassiusstift Bonn, n. 187.
Orig. Perg. Siegel fehlt, Siegeleinschnitt vorhanden.
